

Հայաստանի սոցիալական աշխատողների ասոցիացիա ՀԿ

Գործունեության մասին հաշվետվություն 2018թթ.

2019 թվականի, մարտի 21-ին ժողովի նիստում ներկայացնելով 2018 թ.-ի Ասոցիացիայի գործունեության հաշվետվությունը՝ Ասոցիացիայի գործադիր տնօրեն Մանանե Պետրոսյանը նշեց, որ Ասոցիացիան իր գործունեությամբ և իրականացված ծրագրերով շարունակում է հավատարիմ մնալ 2016-2020 թթ. Կազմակերպության վարչության կողմից հաստատված Ռազմավարության դրույթներին:

Ըստ այդմ, հաշվետու ժամանակահատվածում, Ասոցիացիայի գործունեությունն իրականացվել է մի քանի հիմնական ուղղություններով՝

- Ասոցիացիայի կազմակերպական կարողությունների ամրապնդում և զարգացում,
- «Սոցիալական աշխատանքի մասին» ՀՀ օրենքի նախագծին ընդունման ուղղված աշխատանքներ,
- Համագործակցության ամրապնդում և ընդլայնում ազգային և միջազգային մակարդակներում:

Ասոցիացիայի կազմակերպական կարողությունների ամրապնդում և զարգացում

Հաշվետու ժամանակահատվածում, Ասոցիացիան ակտիվորեն ներգրավված է եղել դրամաշնորհային ծրագրերի իրականացման գործընթացում, մասնավորապես, այս ընթացքում Ասոցիացիայի կողմից իրականացվել են մի քանի խոշոր դրամաշնորհային ծրագրեր, որոնց իրականացումը նպաստել է ոչ միայն Ասոցիացիայի ընթացիկ գործունեության կայունության պահպանմանն ու ներքին կարողությունների զարգացմանը, այլև դրանք իրենց նպատակների տեսանկյունից անպայմանորեն ունեցել են ՀՀ սոցիալական պաշտպանության համակարգի բարեփոխումներին աջակցության և սոցիալական աշխատողների կարողությունների զարգացման բաղադրիչներ:

Մասնավորապես, իրականացվել են հետևյալ ծրագրերը.

- **«Գործենք միասին՝ հանուն Հայաստանում ավելի կայուն սոցիալական պետության» ծրագիրը**, որի հիմնական նպատակը ՀՀ սոցիալական պաշտպանության համակարգի բարելավմանը նպաստելն է՝ ապահովելով ընթացիկ ոլորտային բարեփոխումներում (սոցիալական ծառայություններ, երեխաների,

հաշմանդամություն ունեցող անձանց սոցիալական պաշտպանություն և ընտանեկան բռնության կանխարգելում) քաղաքացիների և քաղաքացիական հասարակության կազմակերպությունների արդյունավետ մասնակցությունը: Ծրագրի շրջանակներում շարունակական հիմունքներով իրականացվում են ՔՀԿ-ների, սոցիալական աշխատողների կարողությունների զարգացմանն ուղղված վերապատրաստումներ, մշակվում են բարեփոխումները լուսաբանող ձեռնարկներ, ինչպես նաև մի շարք ոլորտային հետազոտություններ:

Սույն ծրագրի շրջանակներում Ասոցիացիան երեխաների պաշտպանության, հաշմանդամություն ունեցող անձանց և կանանց իրավունքների պաշտպանության կոլաբիցիաներին տրամադրել է դրամաշնորհներ, որի շրջանակներում վերապատրաստումներ են անցել սոցիալական ոլորտի ավելի քան 200 մասնագետ: Ծրագիրը ֆինանսավորվում է ՄԱԿ-ի Ժողովրդավարության հիմնադրամի կողմից և մոտենում է ավարտին:

- **«Սոցիալական աշխատողների ջանքերը Արևելյան գործընկերության երկրներում հանուն կայուն սոցիալական փոփոխությունների» տարածաշրջանային ծրագիրը**, որը միաժամանակ իրականացվում է ՀՀ-ում, Վրաստանում, Մոլդովայում և Ադրբեջանում և նպատակ է հետապնդում նպաստել սոցիալական ծառայությունների մասնագիտացմանն ու արդյունավետ սոցիալական բարեփոխումների իրականացմանը արևելյան գործընկերության երկրներում՝ զարգացնելով տեղի սոցիալական աշխատողների ասոցիացիաների կարողությունները: Ծրագիրը ֆինանսավորվում է ԵՄ-ի, Ավստրիական զարգացման գործակալության և Հիլֆսվերկ միջազգային կազմակերպության կողմից: Ծրագրի շրջանակներում մշակվել են սոցիալական պաշտպանության ոլորտում մի շարք ուղղորդման մեխանիզմներ, հայեցակարգեր, բացի այդ հենց ծրագրի շրջանակներում է մշակվել «Սոցիալական աշխատանքի մասին» ՀՀ օրենքի նախագիծը:

Սույն ծրագրի կարևորագույն բաղադրիչներից հաջորդը՝ «Համագործակցություն հանուն ընտանիքների ամրապնդման» ենթադրամաշնորհային ծրագիրն էր, որի շրջանակներում Ասոցիացիան ՀՀ մարզերում գործող 11 կազմակերպությունների տրամադրել է ենթադրամաշնորհներ՝ մարզերում սոցիալական ծառայությունների նոր մոդելների մշակման, սոցիալական աշխատանքի ծառայությունների մատչելիության և հասանելիության ապահովման նպատակով: Ծրագիրն ավարտվել է 2018թ-ի հունիսին:

- **Աջակցություն համայնքային սոցիալական աշխատողի ինստիտուտի ներդրմանը**. Ասոցիացիան Վորլդ վիժն հայաստանի հետ համագործակցությամբ

ԱՄՆ ՄԶԳ ֆինանսավորմամբ մշակել է համայնքային սոցիալական աշխատողի աշխատանքի մեթոդաբանությունը, համակարգի այլ դերակատարների հետ համագործակցության ուղեցույց, գիտելիքների ստուգման հարցաշար, Ձեռնարկներ համայնքային սոցիալական աշխատողների համար:

- 2017 թվականի ընթացքում, Երեխայի և ընտանիքի աջակցության վերակազմակերպված կենտրոնների մասնագետների համար Ասոցիացիայի փորձագետների կողմից մշակվել են դասընթացների ձեռնարկներ չորս հիմնական ուղղություններով՝ սոցիալական աշխատանք, սոցիալական մանկավարժություն, հատուկ մանկավարժություն և հոգեբանություն: Ծրագիրն իրականացվել է 2017թ.-ի իրականացվել են վերապատրաստումներ երկու հիմնական ուղղություններով, մի կողմից ուղղված առանձին կենտրոնների ներքին կարողությունների, այդ թվում ներքին հաղորդակցության, աշխատանքի կազմակերպման կարողությունների զարգացմանը, երկրորդ ուղղությամբ՝ առանձին մասնագիտական խմբերի (սոցիալական աշխատողներ, սոցիալական մանկավարժներ, հատուկ մանկավարժներ, հոգեբաններ) նեղ մասնագիտական գիտելիքների և հմտությունների զարգացմանը: Ծրագիրն իրականացվել է 2017թ.-ի հունիս-նոյեմբեր ամիսներին «Խոցելի երեխաների սոցիալական ներառում» ծրագրի շրջանակներում, Վորլդ Վիժն Հայաստան կազմակերպության կողմից տրված ենթադրամաշնորհի միջոցով:
- Հաշվետու ժամանակահատվածում երկամսյա պարբերականությամբ հրապարակվել է «ՍԱՏԵ» տեղեկագիրը, որը հիմնադրվել է Ասոցիացիայի կողմից և անդրադառնում է սոցիալական պաշտպանության ոլորտի բարեփոխումներին, լուսաբանում է սոցիալական ծառայությունների գործունեությունը, նորությունները սոցիալական աշխատանքի միջազգային հարթակում, ինչպես նաև Ասոցիացիայի գործունեությունը:

«Սոցիալական աշխատանքի մասին» ՀՀ օրենքի նախագծին ընդունման ուղղված աշխատանքներ

«Սոցիալական աշխատանքի մասին» ՀՀ օրենքի նախագծի մշակումը և ընդունման ուղղությամբ շարունակական լրբբիստական աշխատանքների իրականացումը, այդ թվում աշխատանքային տարբեր խմբերում՝ պետական, ոչ պետական կառույցներում ներգրավված պրակտիկ սոցիալական աշխատողներ, ակադեմիական շրջանակ, քաղաքականություն մշակողներ և որոշումներ կայացնողներ, հանրային քննարկումների կազմակերպումը դեռևս գտնվում են շարունակական փուլում, ուղեկցելով նախագծի ընդունման գործընթացը:

Համագործակցության ամրապնդում և ընդլայնում ազգային և միջազգային մակարդակներում

- Անմիջական աշխատանք ծառայություններ մատուցողների հետ՝ դեպք վարողներ, ԽՀՀ ներկայացուցիչներ և այլն, նրանց կարողությունները սուպերվիզիայի, մենթորության, քուլչինգի կիրառման միջոցով զարգացնելու համար, այդ թվում շարունակական խորհրդատվության տրամադրման միջոցով,
- ՀԿ-պետություն համագործակցության խթանում, համագործակցային այցերի, համատեղ հանդիպումների կազմակերպման միջոցով, այդ թվում տարեկան գիտաժողովների ընթացքում սոցիալական ոլորտի բոլոր շահագրգիռ կողմերին: Ասոցիացիան նաև շարունակել է համագործակցությունը սոցիալական աշխատողներ պատրաստող եվրոպական բարձրագույն ուսումնական հաստատությունների, մասնավորապես Շվեյցարիայի Բեռնի և Ավստրիայի Լինցի կիրառական գիտությունների համալսարանների հետ, ինչպես կազմակերպելով ամառային դպրոցներ և դասախոսությունների շարքեր սոցիալական աշխատանք մասնագիտությունն ուսումնասիրող ուսանողների, այնպես էլ պրակտիկների համար ՀՀ-ում, այնպես էլ ներգրավելով ուսանողներին տարբեր փոխանակման ծրագրերում:
- Հաշվետու ժամանակահատվածում Ասոցիացիան նաև համագործակցության հուշագրեր է կնքել հանրապետությունում սոցիալական աշխատողներ պատրաստող երեք հիմնական բարձրագույն ուսումնական հաստատությունների հետ՝ Երևանի պետական համալսարան, Հայաստանի պետական մանկավարժական համալսարան, Շիրակի պետական համալսարան:
- Համագործակցությունը միջազգային հարթակում. Ի լրումն, սոցիալական աշխատողների միջազգային ֆեդերացիայի (ՍԱՄՖ) Եվրոպական տարածաշրջանին անդամակցելը, Ասոցիացիան 2018թ.-ին անդամակցել է Սոցիալական բարեկեցության միջազգային խորհրդին:

Հաշվետու ժամանակահատվածում Ասոցիացիայի կողմից ձեռք չի բերվել որևէ տեսակի գույք կամ հիմնական միջոց: